



**ՀՀ ԵՐԵՎԱՆ քաղաքի ԿԵՆՏՐՈՆ ԵՎ ՆՈՐՔ-ՄԱՐԱԶ ՎԱՐՉԱԿԱՆ
ՇՐՋԱՆՆԵՐԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԱՌԱՋԻՆ
ԱՏՅԱՆԻ ԴԱՏԱՐԱՆԻ**

Ո Ր Ո Շ Ո Ւ Մ


**ԳՈՐԾԻ ԿԱՍԵՑՎԱԾ ՎԱՐՈՒՅԹԸ ՎԵՐՍԿՍԵԼՈՒ, ՊԱՏԱՍԽԱՆՈՂԻ ՆԿԱՏԱՍԻՐ
ՀԵՏԱԽՈՒՋՈՒՄԸ ԴԱԴԱՐԵՑՆԵԼՈՒ ԵՎ
ԳՈՐԾԸ ՔՆՆՈՒԹՅԱՆ
ՆՇԱՆԱԿԵԼՈՒ ՄԱՍԻՆ**

«08» հունվարի 2013թ.

ք.Երևան

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանի դատավոր Ա. Մելքունյան, ծանոթանալով ըստ հայցի «Ինֆորմացիայի ազատության կենտրոն» հասարակական կազմակերպության ընդդեմ «Համալսարականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին հա. ԵԿԴ/2533/02/11 քաղաքացիական գործին.

Պ Ա Ր Ջ Ե Ց Ի



Հայցվոր «Ինֆորմացիայի ազատության կենտրոն» հասարակական կազմակերպության ներկայացուցիչը դիմելով դատարանին, խնդրել է պատասխանող «Համալսարականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին:

Վերոհիշյալ հայցադիմումը ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանի 2012 թվականի հոկտեմբերի 31-ի որոշմամբ ընդունվել է վարույթ և նշանակվել դատական քննության:

Հայցադիմումում նշված՝ ք. Երևան, Ալեք Մանուկյան 4-րդ հարկ և ք. Երևան Ծարավ Աղբյուրի փողոց թիվ 55/5, հասցեներով պատասխանող «Համալսարականներ» համատիրությանը հնարավոր չի եղել պատշաճ կարգով ծանուցել դատական նիստի ժամանակի և վայրի մասին, քանի որ դատարանի կողմից տվյալ հասցեներով ուղարկված փաստաթղթերը, այդ թվում՝ ծանուցումը, հետ են վերադարձվել դատարան՝ փոստատարի հետևյալ մակագրությամբ՝ տեղափոխված են, այսինքն՝ գործով հնարավոր չի եղել ապահովել պատասխանողի պատշաճ ծանուցումը:

Ի պատասխան դատարանի՝ ՀՀ քաղաքացիական դատավարության օրենսգրքի 94-րդ հոդվածի 1-ին մասով սահմանված կարգով վարչական շրջանի ղեկավարին ուղղված 17.04.2012թ.-ի գրության՝ Ավան վարչական շրջանի ղեկավար պարոն Մ. Ջավադյանին, և 09.07.2012թ.-ին դատարան մուտքագրված գրությամբ հայտնվել է, որ «Համալսարականներ» համատիրությանը փոստային առաքմամբ ուղարկվել է ծանուցագիրը, որը վերադարձվել է «անհայտ» նշումով:

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանը 24.08.2012թ.-ին ընդունած որոշմամբ բավարարել է հայցվոր կողմի ներկայացուցչի միջնորդությունը և հայտարարվել է հետախուզում պատասխանող «Համալսարականներ» համատիրության և վերջինիս գույքի նկատմամբ, իսկ հա. ԵԿԴ/2533/02/11 քաղաքացիական գործի վարույթը կասեցվել է՝ մինչև պատասխանողի և նրա գույքի հայտնաբերելը:

Հայցվորի ներկայացուցչը 27.12.2012թ.ին դատարան է մուտքագրել դիմում, որով հայտնել է, որ 18.12.2012թ.ին հարկադիր կատարողի կողմից հայտնաբերվել է «Համալսարականներ» համատիրության նախագահ Արմեն Թադևոսյանը, որը 21.12.2012թ.-ին հայցվորին՝ «Ինֆորմացիայի ազատության կենտրոն» հասարակական կազմակերպությանն տրամադրել է հայցադիմումով պահանջվող բոլոր փաստաթղթերի պատճենները: Ինչպես նաև խնդրել է դատարանից կարճել հա.ԵԿԴ/2533/02/11 քաղաքացիական գործի վարույթը և վերացնել պատասխանողի նկատմամբ հայտարարված հետախուզումը:

ՀՀ քաղաքացիական դատավարության օրենսգրքի 107 հոդվածի 1-ին մասի համաձայն՝ գործի վարույթը վերսկսվում է դրա կասեցումն առաջացրած հանգամանքների վերանայուց հետո:

Նկատի ունենալով, որ վերացել է գործով վարույթի կասեցումն առաջացրած հանգամանքը, մասնավորապես՝ հայցվորի ներկայացուցչը 27.12.2012թ.ին դատարան է մուտքագրել դիմում, որով հայտնել է, որ 18.12.2012թ.ին հարկադիր կատարողի կողմից հայտնաբերվել է «Համալսարականներ» համատիրության նախագահ Արմեն Թադևոսյանը, որը 21.12.2012թ.-ին հայցվորին՝ «Ինֆորմացիայի ազատության կենտրոն» հասարակական կազմակերպությանն տրամադրել է հայցադիմումով պահանջվող բոլոր փաստաթղթերի պատճենները: Ինչպես նաև խնդրել է դատարանից կարճել հա.ԵԿԴ/2533/02/11 քաղաքացիական գործի վարույթը և վերացնել պատասխանողի նկատմամբ հայտարարված հետախուզումը, փաստորեն, հայցվոր կողմն հայցը քննելու պահանջ չունի, այսինքն՝ գործի կասեցումն առաջացրած հանգամանքը վերացել է, ուստի գտնում եմ, որ քաղաքացիական գործի վարույթը պետք է վերսկսել և գործով նշանակել դատական նիստ՝ դատարան ներկայացված դիմումին դատական նիստում ընթացք տալու համար, իսկ դատարանի 24.08.2012թ.-ի որոշմամբ պատասխանող «Համալսարականներ» համատիրության նկատմամբ հայտարարված հետախուզումը պետք է դադարեցնել:

Դեկլարվելով ՀՀ քաղաքացիական դատավարության օրենսգրքի 107 և 108 հոդվածների 1-ին մասերով, 144 հոդվածի 1-ին և 2-րդ մասերով, 144¹ հոդվածի 2-րդ մասով, 145 հոդվածով՝

Ո Ր Ո Շ Ե Ց Ի

Ըստ հայցի՝ «Ինֆորմացիայի ազատության կենտրոն» հասարակական կազմակերպության ընդդեմ «Համալսարականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին հա. ԵԿԴ/2533/02/11 քաղաքացիական գործի վարույթը վերսկսել և գործը նշանակել դատական քննության 2013 թվականի հունվարի «31»-ին, ժամը «10:30»-ին, դատարանում:

Դադարեցնել «Համալսարականներ» համատիրության նկատմամբ 24.08.2012թ.-ի որոշմամբ հայտարարված հետախուզումը:

Որոշումը եռօրյա ժամկետում պատշաճ ճանով ուղարկել գործին մասնակցող անձանց:
Որոշումն օրինական ուժի մեջ է մտնում ընդունման պահից:

ԴԱՏԱՎՈՐ՝

Ա. ՄԵԼՔՈՒՄՅԱՆ